

四庫全書

集部

欽定四庫全書

集部

兩宋名賢小集卷九十五至  
七

詳校官中書<sub>臣</sub>閔思毅

助教<sub>臣</sub>常循覆勘

總校官編修<sub>臣</sub>王燕緒

校對官助教<sub>臣</sub>汪錫魁

謄錄監生<sub>臣</sub>朱思

欽定四庫全書

兩宋名賢小集卷九十五

宋 陳思 編

元 陳世隆 補

龍雲小集

劉弇字偉明江西安福人登元豐二年進士復中詞  
科歷官太學博士元符中有事南郊進大禮賦哲宗  
嘉之除祕書省正字徽宗改著作佐郎實錄檢討官

卒嘗讀書石廊洞中為辭劇剔瑕類卓爾不凡有龍  
雲集三十卷

送方絢解元赴試南宮用桂林一枝為韻

君王十二閑一一登權奇飽之青玉芻絡以黃金羈南  
宮舊冀北雜遝追風安驪驪固神物豈病孫陽嗤如聞  
丹桂約暗滿秋風枝

癸酉歲暮壽春道中

有城有城半蕪沒倔強當年開狡窟青韁白馬成底事

魏得其狗空凌突清淮不洗餐利腸石白崔嵬化英物  
據鞍浩嘆為踟躕但見悲風起蓬勃

有客有客垢髮鬚羹甦挂鞍無宿儲翹心北闕比寒藿  
他日南山拋舊廬逆旅丈人真脆意揖我下牀邀踞蹠  
悠悠高門擊鮮子萍匏殊根勿誚渠

走筆答郭子隆勾稽

春歸幾何時綠樹陰已滿蕭條子雲巷誰借吹噓暖常  
日雙柴扉深局類休浣稚燕掠翩跹疎蟬弄淒斷擷芳

聊自娛任從食息懶  
疑疑棲鸞郎蝸居閒  
三歎兒童憚逢迎  
應客事謾誕謝絕  
高軒榮祗增鼯鼠短  
賴君不吾靳慇懃  
接閭侃酸然梅雨天  
煩襟斗滌澣

送李侯朝散還任

西山閱今昔章水弄清泚  
雲罍挿天半滕閣中隱起  
青鷺千萬家湖光豁如洗  
鍾陵一都會信亦非偶爾  
君來無幾何所得已倍蓰  
笑談送白日慷慨拾遐軌  
成詩殆百篇天籟落凡耳  
事竣各還朝相送情難已  
悲歌一再

行杯觴覆蒼翠秋標拔孤雲鴻雁思吾子

石廊汨

君不見仙家三十六洞天西南大半盤蒼巔此外元陽  
擅嶄絕況有石廊人喜傳碧蓮參差隅地涌徙倚危梯  
飛歸竦陰陰洞戶半空開一縷聯凹愁寄種萬鈞崔嵬  
挂礪石吁可怪兮若飛動天然湫面尋丈間寒掬初慳  
媪神捧紫崖蒙茸瑤草秀懸泉涓涓挹天酒淑靈豈即  
乾坤私窟宅宛是神仙舊飛鳥點影陽光迴遊子履深

驚殷雷九夏三冬自回幹雨暘寒燠爭喧飀神物奄有  
似無謂突兀古廟當巖隈鼉鼉笑舞助怪變落日愁絕  
松風哀瞰臨一方殆天意累露之疑此其是仙乎仙乎  
胡不歸忍使秋燐泣陰鬼

人日

去年人日螺江邊今年人日在通川故家浩蕩五千里  
客子騷屑心茫然霜蘆盡解故時葉生意陡爾歸蘭茝  
海風如刀水寒渡欲航野水雪暗天他鄉信美非吾土



香草悅魂真浪傳南冠故聲祗噪楚劉章雅志惟歌田  
五秉如單費廩粟一囊就盡持殮錢顛毛冉冉不吾與  
齒根浮動輕于翮小雀誰言畏死鷄未肯屈折同梧捲  
章貢直西三逕在爾來望眼欲成穿科桑洗竹真吾事  
孰使齷齪纔充員何時解得無拘束歸釣潭頭楓葉鴈

送邢清臣赴選

泊丹梅林浦解纜墨潭灣層波日日生雙槳那得閒龐  
眉青翰客相與春風還江梅吹欲盡岸柳未勝攀無以

持贈君對君成強顏官況更新好晚步非間關直北清  
夢多半落夷門山慙慙尺素語勿謂魚鴻慳

宿法藏禪院

斜河左界懸朱提冷燼掠天螢糝飛高梧泣液涼參差  
前村後村烏夜啼雕甍繡栱絕坤維知自在世張禪扉  
有睨釋子龐兩眉清梵一聲捐翠微亂我心曲天之涯  
寂歷故感迎新悲歸與誰是真忘機獨鹿水深愁濁泥  
憶黃天倪

遊絲罥空生別愁我車欲駕羌無輶驚風吹花濺紅雨  
天脚空隨江水流思君度日倚高閣時把長懷寄寥廓  
青春九十行過半白日西住看時落古人不願身後名  
但願生前一杯酌安得此身生羽翰高騫便似追飛鶴

村南

村南行吟踏新場馬乘款段壺懸漿稼如濃雲穠含黃  
柿葉亞枝收趁霜臘團雞脾盤餉香簫鼓下神巫正狂  
呼兒往問當壚娘清美何如顧建康

安成道中作

故家楚尾隣三湘粗有隙地麻與桑利機未判身輕嘗  
生涯寄將一葉上歸釣潁尾秋滄浪

翠篠娟娟棲暗芳半隱半見誰門牆分曹兒戲疑雁行  
今我垂垂老境逼竹馬鳩車憐汝狂

夜歎

丹鳥白鳥爭吞吐還雲去雲無定度不無夏簟工熨體  
況有秋蠶競扶戶一嘅三嘆詎如許客思紛紛野煙縷

霄明景宴挂斜河叢葦弱團清露有美一人在西方  
白玉環珮珠兩璫明眸皓齒艷朝陽企予望汝涕傍皇  
安得鵲汝羅衣裳

畏日

畏日慘慘天西隅半規銜山我僕痡招提訪尋數里近  
牛羊斷續前村孤揚塵動滿坵膩爪好風不借清涼軀  
目送長雲下碣磯驚鳥愁對陂陰湖

杉溪驛

竹巖杉溪道路長道邊古驛開蒼茫分流溪水薄枉渚  
挨石人家環上方王程星火何時歇霜冬草樹盡其黃  
去來今昔幾男子姓氏喧傳兩女郎

北禪水閣走筆

西風涼客衣弭楫滄江潯晚吾事瀟灑聊復此登臨雲  
容不礙秋清穢有餘陰煩心洗東波寸目明遙岑樊籠  
脫烏窟搖落弔蛩吟莽墟閱今昔長慨撫孤鐔故楚冠  
劍盡物情幾浮沈懷哉歲將月無為空滯淫持語朱陵

翁須以早抽簪

感遇

嬖媚誰家子粲粲生輝光  
弄姿俯春蘭臨風振微芳  
秋水揚清矚白玉雙明璫  
問渠家何許笑指南山陽  
去不輟軌況若遊雲翔遙看  
入縹緲明月斷人腸

富貴若不常倏忽移易人  
青門聚瓜客曾是故侯身  
金鏡失秦家中原賊煙焚屠  
狗販繒子問閭排氤氲一逢  
泗水公濯鱗清滄濱信知天  
地間虛橐鼓遊塵冥中有

神力呼吸旋峨岷小兒善播弄挈故還趨新得失定有  
寄無為喪吾真

疾雷疑車音出門乃知非抱影長自明流螢點霜幃羅  
帶翦秋水黃金縷春衣持看清夜闌愁非故時輝食葵  
心知傾茹蠟腸虛肥纂纂棗下歌惜此歲月違因聲勸  
語儂勿復遲遲歸

秋日儀真即事

秋風來從越天末痛洗玻璃出明月雲罍隱起玉龍眠



下有春容萬濤雪獨壘之綸歌一葉半酣老漁棹歌發  
客心寸許了無多底事臨風吹欲折

客從南來一何癯烏紗不屋非縵胡散堆亂帙覘牛鏹  
穿穴殫殘真蠹魚尋撞雖上亦未計立仗不鳴甘豆芻  
昔人舉肥我今爾安得外澤如瓠壺

持釣

艇子悠揚打雨來  
綈絲越箭青玫瑰  
昨聞湫古新雨足  
漲波汎入西溪隈  
西溪兩岸行人少  
白鷺對翹佳客陪

低雲弄嬌不成去半與枉渚相縈迴藻間蘋尾厠銀鯽  
正爾作羣爭曝腮故應沈餌得所置行醉甕間新熟醅  
宿長山寺

蒼山兩蟠虬傑勢分天矯不緣事幽尋茲地終難到破  
暝紫煙生寫谷清樾好村長下半羊雲綻入歸鳥松風  
卷孤磬夜半秋聲小客懷方未央千里漫白道庭樹一  
鳥驚愁看楚天曉

遊麻姑觀用黃道士韻

鳥道參差挂空白雲林曾是飛昇迹漫論滄海復揚塵  
已識秋山老岑寂玉駕班龍飛九色古殿崔嵬遺石刻  
會須揖彼丹丘人掇拾頽年茲偃息

蔣沙莊居

他日蓬蒿地吾廬瓦數溝井泉甘勝乳庭竹冷先秋村  
巷時情淡田疇歲計優荆扉論日掩最喜近松楸  
黃嶺虹腰抱鼇山負復橫中非避世士稍亦畏時名傍  
晚澆傭酒尋春濯足行雞雛嬌底死犢子健能生

晴屋鳴鳩婦春陂翳雉媒筋頭甘野菽鉏力到陳荻掠  
水千艘健橫風一笛哀最憐雙白鳥解事等閒來

名媿周繁弱村非魯孟勞蛙仍當鼓吹徑任沒蓬蒿紫  
芋新厨味黃橙馥鱠刀業詩何水部耽酒阮兵曹

劉宗墳墓國金水眇縈迴颺颺鴉巢覆疎疎槿戶開春  
風持贈柳臘雪試粧梅欲識塵埃少元無俗物來

莆田雜詩

清樾陂陀外春深四五家叢祠下簫鼓平楚暗桑麻水

國潛蚪偃天程去鳥賒仙山仍在目瀟灑送生涯

梅雨催農鋤癡風泣海檣魚龍波浪濶燕雀戶庭涼  
柱春列玉蠓山夜鑿霜家園兩痕浪早晚促吾裝

梅井經疏鑿如聞自昔人玉奩深貯月雲乳暖藏春  
桐葉誰新汲葵芽好問津端堪事杯酌冷汰客襟塵

題鴝青春宴醵鮑白社驕掠風雖燕翼界雨晚虹腰  
醪銀牀瀝羊茸紫澗苗到家幸無苦浦澈有回潮

鶴唳歸雲急龍移過雨腥桂清飄月岫槎老臥烟汀  
洞

失壺公舊雱傳妙應靈不緣幽事隔小復理篁簹  
道東無際海萬水自朝宗沃日纔分燭浮天亦盪胃吐  
吞何楚越冗長到魚龍好在垂桴客吾安議適從

早發赴蒙縣

草露垂垂白溪泥脚脚深  
槿籬藏吠犬桑翳漏棲禽  
食已驚浮世鞭稍度寸陰  
利名無計得寧是死灰心

試院次韻奉酬趙達夫記室惜春之什

風酣雨輒裊簷絲  
端負吾人痛飲師  
使者嶺梅傳信遠

王孫芳草怨歸遲  
釀成紫府無端夢  
開到朱欄第幾枝  
欲問東君挽流轉  
顛狂好在曲江詩

清真觀步翠閣

飛梯倒挿玉蟬螭  
危欄別刻青芙蓉  
渠送涼野水舊涵竹  
借色春山擬滴裾  
王喬過鳬可坐揖  
蕭史鳴鳳徒紛如  
眸子欲酸跂予望  
弔世清淚橫方諸

九曲池

昔帝檣烏下日邊  
曾留清蹕此蹕蹕  
魚龍窟暗浮春漲

鳬雁行低破暝烟  
星閣摧頽空歲月  
蕪城埋沒舊山川  
後庭一曲陳家破  
更看當年水調傳

江館

山川定出書意外  
魚鳥自閒眠對時  
艇子粘天歸一葉  
濤頭吹雨落千麾  
截波尚欲論孤劍  
應客初慙乏大兒  
聽得漁郎隔溪語  
夜來秋色暗江蘼

建州試院次韻和林源叔監試

鷺袍粉白筆摩秋  
餘地爭看衆刃遊  
堅壁賴公專細柳



得壺如我愧中流僕姑此日先穿札綵綺何心曉報鏐  
恰恰豐隆通蟄戶論功相與副旁求

春日送僉判陽承議

春山野思萬千里邛更江頭來送公別淚滴流紅杏雨  
離情搖曳綠楊風一枝易遶南飛鵲隻字難憑北塞鴻  
惟有感恩情不斷夜深長入夢魂中

春日舟中即事

倚閭幸有北堂親肯汎孤舟瘴海濱萬里江湖愁去客

一春風雨厭行人花朝水國留題懶月夜鄉園入夢頻  
每被烟波驚破膽却思雲石自由身

兩宋名賢小集卷九十五

欽定四庫全書

兩宋名賢小集卷九十六

宋 陳 思 編

元 陳世隆 補

陶邕州小集

陶弼字商翁永州人以軍功補官兩知邕州善為詩山谷誌其墓許可之其詩尤善言風土蠟茶詩至五十韻事母孝謹少時嘗聚徒講授六經以奉甘旨年

三十乃從軍歷任郡縣並反側盜藪多所籌畫封境晏然每求去朝廷輒進官重任使遂老於桂林卒年六十有四所著詩文書奏十有八卷子通冠而死以兄之子同為通後

兵器

五代之真主奸雄紛僭偽橫磨濶刀劍白日相篡弑我宋皇太祖潛德動天意神物既有歸乃即皇帝位不惠兆民樂不怒諸侯畏顛倒執玉帛奔走恐後至獨有陰

山戎時時寇邊地天子赫斯怒大警巡澶衛射殺右賢  
王遂斷匈奴臂狼心貼然服結好同昆弟卒聞喜夜歌  
將老貪春睡自此為太平恍逾三十歲戎昊棄我間南  
馳賀蘭騎陽關久夜開樞朽不可閉陣雲起秦雄殺氣  
橫涇渭使臣股慄奏宰相嗔目議僉曰急發兵豎子坑  
甚易倉皇築邊壘未戰力先瘁逼邊開庫兵土蝕鋒鏑  
脆防秋採舊屯推轂謀新寄舊屯老且死少者無實藝  
良由不訓練手足迷擊刺新寄將家子從小生富貴六

韜未嘗讀口但知肉味師復從中御進退由闔寺權輕  
號今冗兩戰無遺類曹公棄七軍晉人獲三帥吾兵自  
此喪有詔新其製此器不預設一旦從何致朝廷急郡  
縣郡縣急官吏官吏無他術下責蚩蚩輩耕牛拔筋角  
飛鳥脫翎翅斡截會稽空鐵烹堇山碎供億稍後期鞭  
扑異他罪愁氣擁太虛霽景晝冥晦我聞郭汾陽料敵  
多奇異單箠諭突厥番酋膝雙墜又聞李西平臨戎有  
英氣身著紅錦袍懷光肝膽碎是知用兵術在人不在

器君耳舜高聽君目舜明視願採謀畧長勿倚干戈銳

公安縣

門沿大堤入路趁淺沙行樹短雲根拔山窮地勢傾孤  
舟難泊岸遠水欲沈城半夜呼津口煙中荻火明

送趙樞寺丞宰虔化縣

路入虔雲去如何輕解攜人煙五嶺北星斗大江西暖  
雪梅花樹晴雷贛石溪青山欲無淚不奈鷓鴣啼

出嶺題石灰舖

馬渡嚴關口生歸喜復嗟天文離卷舌人影背含沙江  
勢一再曲梅梢三四花登高休問路雲際是吾家

重到陽關

五管新多事輕車屢往還勤勞成白髮故舊是青山樹  
色纔分楚江聲未出蠻自慙迎候少無惠及孤鰥

吟石

守邊無一事江上得閒吟醉嚙歌微出狂書墨不深潮  
痕沒高岸月色透疎林此意無人解宵分淚滿襟



東湖

寧越佳山水東湖帶郡城月天高寺影春雨一橋聲石  
上青蒲合沙中白鳥橫天涯正寥落獨往若為情

西湖

寧越佳山水西湖似浙城桂多天竺子潮欠海門聲路  
向林梢轉天隨野色橫從茲棲泊者無復渡江情

題霞溪驛

歌聲野色中人樂歲時豐暑雨陰陽雜秋田早晚同嶺

雲無烈日江樹足涼風  
自指香山語前村有路通

登邕州南城臺

江國家書少秋臺閒草生無人來  
遠渡盡日上高城落照懸魚市  
孤燈起戍營東園故籬句又向酒中傾

登崑崙臺

落照古城隅邊風動隼旗久閒忘戰畧  
多病熟醫書白髮隨年短新情與世疎  
桃花春水起還釣舊溪魚

荔枝

五月南游渴欣逢荔枝丹殼勻仙鶴頂肉露水晶九色  
映離為火甘如木作酸枝繁空相染樹重欲成團赤蚌  
遺珠顆紅犀露角端爽能消內熱潤可濯中乾一簇水  
蠶繭千苞火鳳冠隔籬銀葉嫩透膜玉漿寒

題陽朔縣舍

石壁高深遶縣衙不離牀衽自煙霞民耕紫芋為朝食  
僧煮黃精代晚茶瀑布聲中窺茶牘女蘿陰裏勸桑麻  
欲知言偃絃歌化水墨屏風數百家

天涯亭

雨色絲絲風色驕  
天涯亭上覺魂消  
一家生意付秋瘴  
萬里歸心隨暮潮  
兵送遠人還海界  
吏申遷客入津橋  
山公對此聊酣飲  
怕見醒來兩鬢凋

途次葉縣觀千葉桃花

三月官桃滿上林  
花開千葉費春心  
葉公城外襄河北  
一樹無人色更深

登潮月亭

渡頭人語知潮上下看南江東北流  
試引輕帆學歸去  
茶山溪淺却回舟

過清湘

嶺開蠻壤斷此地下湘川綠水紋如染  
丹楓色欲然瘴  
消還愛酒兵解尚憂邊故里誰相訪  
孤帆出曉烟

二妃廟

溪上龍蛇屋蕭條帝女祠竹痕當日淚  
山色故人疑故  
服霞流綺新妝月獻眉楚民無水旱  
簫鼓謝神禧

送臨桂令戴若納出廣

五嶺生還少無辭酒滿觴  
共經邊寇事先出瘴烟鄉  
楚樹蟬聲早湖天日影涼  
此行休問路宮闕斗杓旁

送桂林余靖侍郎移帥長沙

戈船不用兵鼓角下湘靈  
草歇初春雨天迴奉使星  
江導波上紫楚木望中青  
欲轉湖湘去家山在洞庭

送陽朔尉王翊還東海

勞生如嶺水嶺盡忽分流  
草色湘中路潮聲海上洲  
少

孤家有法官薄鬢先秋我亦嗟貧病相期江漢遊

寄陽朔上官凝明府

嶺上一揮手蠻村花又疎閒思昨夜夢勝得舊年書地  
志烟嵐裏官資州縣初詩成好相寄江水接靈渠

寄桂師趙待制

一紙降書落天恩寵作州舊疆分海界新額上城樓古  
塞南唐詔荒祠蜀武侯前朝聲教地自是北人愁

寄陽朔尉輔臣

將斧征蠻歲儒官破賊初日邊呈瑞氣夜半得降書許  
國心非淺封侯望已疎相逢感秋病眷眷舊溪魚

欄蠻山

西去萬里山茲峯獨限蠻天生賊多計民賴汝為關設  
險數州地防危一日間守邊須以道絕頂可躋攀

永平塞道中

疊嶂深千里窮邊今一隅北風家信息南斗客程途嶺  
勢頻開合猿聲乍有無過溪人語笑隔岸成烟孤



送呂濤典獄之梧州

峽口蒼梧縣城依南斗魁江潭海潮上地熱火山來草  
沒嘉魚穴雲封拜表臺到應無獄訟豆蔻酒頻開

容管

一年勾漏守尋盡洞中天佛記盧藏用仙壇葛稚川醒

心西驛水燒眼碧池蓮我豈無心事詩碑與酒泉

自注郡有

勾漏白石都嶠等山所謂三洞天也盧藏用大雲寺記  
石高丈二尺西驛韋丹建閣下有石泉并記後唐李復

作池植  
蓮數萬

早登崑崙臺望戎兵北歸

春風歸未得，默坐廢臺間。  
居易終腸結，安仁兩鬢斑。  
蜂銜新藥去，燕引舊雛還。  
帳下誰更戍，旌旗出亂山。

南寧崑崙關

關路下崑崙，蠻封迤邐分。  
春光偏著草，雨意不離雲。  
俗異君修德，時平將用文。  
臨溪照綠水，老鬢雪紛紛。

三公臺落成飲其上

北原喬木外，三將舊屯營。  
草沒金鎗蹟，山應玉管聲。  
路

隨關地起江背瘴天傾異日誰相繼來書第四名

那霸泉

昔年觀地志此水出牂牁斷岸深無底平流暗起波感  
恩來客少射影短狐多未老諸蠻在樓船空再過

羅秀山

尋山入羅秀旋結草堂居花露生瓶水松風落架書聞  
猿得句後見月出行初此夕雲林下無因夢使車

會仙崑

寂寂長冥洞涓涓漱玉泉鳳簫聞夜半鶴馭認雲邊煮茗尋安老披蓑訪稚川於中得消息何用買山錢

思明府明江

幾年來瘴外此夜宿溪中照枕殘雞月吹燈落葉風盧循猶偽國楊僕已衰翁起戴寒星去前村燒影紅

入桂林

滿耳洋洋分嶺泉早秋時候晚涼天稻花斑白初經雨竹色青蒼薄帶烟安得孤臣能慮患不勞明主更憂邊

東坡故老知誰在望我車塵若望仙

桂林書事

清羅江水碧連山城在山光水色間地近瘴烟人好酒  
路臨溪洞卒難關心知禍福傭占鬼事熟安危笑議蠻  
却為林泉作詩苦三年贏得鬢絲還

寄陽朔父老

兩官三任五流年舊事人懷一惘然爵祿豈知緣武進  
姓名猶賴得詩傳萬雲亭北山藏日雙月橋東水接天

為報崇賢諸父老宰君今悔把戎旃

再過陽朔寄人

昔日儒衫今武車重來父老尚奔趨後人相繼皆清德  
小吏回看半白鬚條教漫為新楷法官資猶作舊稱呼  
里門不閉田疇闢好買丹青別畫圖

謝桂林郡幕沈通惠詩

五色飛鸞下桂林林間新客寄新吟才高韓愈青羅帶  
義重張衡綠綺琴焚尾聲名先在耳嶺南章句晚知音

逢人要指荷花幕銅柱西南煙靄深

寄桂州張田經略

五色溪州五寨城廣宣恩詔諭羣情開懷曉日重昏破  
下令春雷百蟄驚塞路風埃人戲馬隔雲烟火賊燒營  
廟堂有策今無用謝爾青頭百萬兵

犀甲銀盔銅鼓兵周旋五十五屯營據鞍疾悶心無力  
橫梁微吟尚有情卒冗不蒐秦銳士官租還用魯儒生  
溪人重武輕文藝應笑擔書載酒行

寄桂林歐陽咸寺丞溪藤杖

勁節寒梢屈曲根  
虎牙龍鬣蟒蛇鱗  
採從黃鶴獨飛起  
寄與青山先退人  
高閣倚吟留落月  
小園扶醉過殘春  
惟存一本自收拾  
即日溪邊躡後塵

登邕州春野亭寄桂帥潘伯恭學士

二紀看花瘴霧中  
野園今日又東風  
人心有感時時別  
春色無私處處同  
長笛一聲諸曲盡  
巨觥雙飲百愁空  
風清水暖羣魚上  
誰向荆溪下鉤筒



寄荔浦林術明府

諸蠻烽火照深溪  
同著儒衫事鼓輦  
壯節已皆成皓首  
孤蹤猶未得丹梯  
鬱蒸草氣龍蛇舞  
昏黑空山鬼鳥啼  
十八人中存者六  
孰為霄漢孰為泥

賓州閱武堂

南嶠風雲久肅清  
壞溝殘壘號昇平  
官曹惟識簿書字  
民俗不知金鼓聲  
往歲忽傳南詔檄  
近時方築伏波營  
安成太守深邊計  
茁茁花開閱水兵

那霸泉

路下牂牁水石間三分纔過二分山  
年光欲盡家猶遠嵐氣雖疎鬢已斑  
賓從笑談譏獨進兒曹音信喜生還  
南風一夜吹鄉夢數刻飛過五嶺關

龍州秀嶺

路隨雲磴石梯行限隔華夷天意明  
自與大君為外屏何勞諸將作長城  
福民可拜三公爵壽聖能呼萬歲聲  
海國未彊崖石老待誰來此勒功名

思甘泉水寄通判景範梁屯田

二井鑿通千佛塔  
七元流濟萬人家  
波心不動青天色  
井口常飛白雪花  
見釀宜成殘臘酒  
聽煎尤焙早春茶  
歸時覺久添新歲  
羞向寒清照鬢華

題芙蓉亭

邊柝無聲獄訟疎  
芙蓉池上避金烏  
民收果實充田賦  
匠寫空形入縣圖  
白鳥知機遠冠蓋  
紫鱗貪餌落盤盂  
主人非為清香設  
愛此烟波似五湖

欽定四庫全書

函字名賢小集  
卷九十六

十三

膏澤峰

石壁含天澤南山第一重  
旱時先出雨陰穴必藏龍雲  
影搖諸壑雷聲起半空  
滲成泉脈大滴出土膏濃溝洫  
施仁澤民誰帶戚容何當大滂沛  
盡活四方農

淪漪閣

談笑淪漪閣藤花竹葉間  
易醒江上酒難畫雨中山

屏障山

名山愛陽朔平陸逼峰巒  
郡境尖中折人家缺處安

丹竈山

羽客朝元地遺壇古樹中  
煉成丹竈在騎去鶴巢空

思柳堂

羅池刺史寡塵緣畫戟牆頭築望仙  
黃鶴與誰同一去碧桃無主又千年

桂林

青羅江水碧連山城在山光水色間  
莫道宜人惟桂林  
驂鸞客至只思還

題順應廟

白崖山下古松青暫捲牙旗謁廟靈見說崑崙關北畔  
曾將草木作形人

荔浦鄒關

三任邊州六往還此時纔入莫鄒關訪僧莫道無閒事  
手指青山口說山

邕州

南極諸蠻傲典刑斗門時復見飛星君王仁恕將軍老

五十溪州六萬丁

邕州城

夜半孤城百尺臺  
亂蟲聲裏一樽開  
憂邊日遶南雲下  
戀闕心隨北斗迴

鬱林鼓角樓

去歲同登畫角樓  
諸蠻未滅夜談兵  
五更將吏知人意  
吹作梅花塞外聲

寄鬱林郡守姚道

欽定四庫全書

所宋名賢小集  
卷九十六

五

越裳濟海喜天晴五葉戈船不渡兵堯舜遠方皆樂國  
漢唐諸將本書生

柑子堂

子厚才名甲有唐謫官分得荔枝鄉羅池水盡黃相死  
獨有空碑在畫堂

靈巖

溪僧過此說山公遊遍真仙洞府中乳石崖邊得靈草  
可能封裏寄衰翁



仙影山

月帶星冠映碧虛  
遠看雖有近還無  
瑤池玉女雙雙過  
遺下羣仙聚飲圖

安城即事二首

往歲傳聞南詔檄  
近時方築伏波城  
安城太守知邊計  
菑菑花中閱水兵

金鼓聲闌劍戟收  
使君回上雅歌樓  
樽前一闋清商曲  
銷盡窮邊萬里愁

寄蘇州徐處士弁弁能畫山水

平南無策鬢如霜七十峯前舊隱鄉  
相約祝融孤頂上  
借君吟筆畫瀟湘

賓州仙影山

月竚星冠七丈夫  
遠看雖有近還無  
瑤池侍女雙成道  
遺下羣仙聚影圖

宜陽

孤城溪洞裏  
聞說已堪哀  
蠻水如鮮血  
瘴天已死灰  
吏

憂民置毒巫幸鬼為灾缺

寄浣州新守謝麟

險盡天開溪路平詩書新將典新城三千戍卒今無幾  
十萬屯田古耒耕屬縣乞除防虎檻生蠻願獻採砂坑  
從茲預擬風塵息盡是仁威下旆旌

桃

樹正含芳酒正醅熙熙為爾醉春臺一花五出尚可飲  
何況重重疊疊開

李

春晝暖風薰翠幄  
暑天涼氣暗朱闌  
主人肝膽無猜忌  
果下遊人但整冠

李楊梅

嶺北土寒無荔子  
人言形味似楊梅  
翠條丹實休相學  
不願紅塵一騎來

滴露花

九天瑞露滴成芽  
不是榆花即桂花  
星女月娥宮不鎖

天風吹落野人家

丁香

萬枝千葉遞相親  
內結花心外結身  
草木至微猶有合  
悲哉父子與君臣

桐

老桐休斲為琴瑟  
樂部新翻格樣清  
試聽琵琶采蓮曲  
一般絃上數般聲

雞頭

三伏池塘沸雞頭美可烹香囊聯錦破玉指剝珠明葉  
皺非蓮蓋根甘似竹萌不應徒適口炎帝亦曾名

過思明

幾年來瘴外此夜宿樓中照枕殘雞月吹燈落葉風  
盧循猶偽國楊僕已衰翁起載寒星去前村燒影紅

閣阜

萬仞天然阜閣形陰陽不似衆山青一區海上神仙宅  
數曲人間水墨屏華表鶴歸春谷響玉京龍起夜潭腥

可憐張葛無人繼三級高壇拂杳冥

廉州石

使君合浦來示我海濱石千巖秀掌上大者不盈尺

浴浦還珠亭

合浦還珠舊有亭使君方似古人清沙中蚌蛤胎常滿  
潭底蛟龍睡不驚

贈章使君

善戰無如新息侯漢兵纔度綠蘿州愛君挽我陶溪粟

直到牂牁水口頭

司馬錯

北設長城陷敵塵更來勞役武陵民我疑洞裏栽桃者  
便是當年版築人

辰州

詔條符節古連今王澤漸濡豈不深賦役未行中國法  
謳歌猶帶遠人音採金戶簇青莎岸射虎兵圍黃葉林  
寄語湖南灘上客預將忠信待浮沈



缺

璽書行絕域銅柱入中原草

暖聞鳴鹿江清對飲猿何時一樽酒重入謝公軒

白露驛

一曲青谿一曲山鳥飛魚躍白雲間谿山豈要行人到  
自是行人到此間

三山亭

諸峯不及此三峰翠影多年路未通野老傳來無地  
主神仙留待與山翁珣弓射滅虎狼迹長劍前刃開荊棘

叢吏引旌旗先險阻  
匠營樓閣出虛空  
藤蘿葉暗初無日  
松桂枝新漸有風  
下瀨將軍微舉職  
安南都護遠輸忠  
商誇合浦珠胎賤  
民樂占城稻穀豐  
火炬影沈山岸北  
潮聲流過郡城東  
四時收印來無定  
終日開尊望不窮  
玉版淡魚千片白  
金膏鹽蟹一團紅  
雲臺志節悲歌外  
銅柱封疆醉眼中  
所借溪頭好厓石  
只書詩句不書功

祝融峰

曾到祝融峰頂上  
步隨明月宿禪關  
夜深一陣打窻雨

卧聽風雷在半山

武陵

曲臺風月德山雲  
夢想中間有幾春  
臣葬江魚終愛楚  
民逃花洞不思秦

五溪

六月五溪邊  
溪深氣象偏  
晝陰疑雨後  
久冷覺秋先  
棧倚臨崖石  
竿通隔嶺泉

缺

木芙蓉

孤芳託寒木一曉一番新春色不為主天香難動人丹  
楓見流落黃菊坐因循莫訝偏相愛衰遲似我身

端研詩贈王欲

端石如虵狀潤疑雲雨通牖官不識字好去伴詩翁

銅雀研

得自銅雀臺收晚稜角推四方綠琉璃一片青玫瑰煉  
盡沙石淬陶成金玉胚

題陽朔縣舍

畚田過雨小溪渾遠近雲峰互吐吞殊俗易昏三里霧  
陽崖忽豁一家村桂花香裏尋僧寺榕葉陰中掩縣門  
井稅未輸兵甲後心勤撫字且休論

對花有感

得莫

一作  
意字

欣欣失莫悲古今人事若花枝桃紅李白蒿

薇紫問著春風自不知

紫薇花

人言清禁紫薇花草詔紫薇花影傍山木不知官況別

也隨紅白上東廊

山茶

淺為玉茗深都勝  
大白山茶小海紅  
名卉漫多朋援少  
年年身在雪霜中

江南池館厭深深  
紅零落空山煙雨中  
却是北人偏愛惜  
數枝和雪上屏風

柳

揚子江頭流水澌  
長安陌上遠風吹  
黃金瓔珞雪晴後

碧玉瓏璁春盡時端的園林俱不及等閒臺榭便相宜  
思量也是多情物占與人間贈別離

陶弼詩絕似晚唐宋文鑑選其二首虔化縣云暖雪梅  
花聖晴雷贛石溪出嶺云天文離卷舌人影背含沙李  
洞喻鳧可相伯仲成都楊慎

兩宋名賢小集卷九十六



欽定四庫全書

兩宋名賢小集卷九十七

宋陳思編

元陳世隆補

龜山集

上

楊時字中立將樂人熙寧九年進士游二程之門歷知  
瀏陽餘杭蕭山三縣召為祕書郎欽宗朝兼國子祭  
酒高宗朝除工部侍郎兼侍讀以龍圖閣直學士提

舉洞霄宮卒謚文靖學者稱龜山先生有集

此日不再得示同學

此日不再得顏波注扶桑蹢蹢黃小羣毛髮忽已蒼願  
言媚學子共惜此日光術業貴及時勉之在青陽行已  
慎所之戒哉畏迷方舜跖善利間所差亦毫芒富貴如  
浮雲苟得非所臧貧賤豈吾羞逐物乃自戕胼胝秦艱  
食一瓢甘糟糠所逢義適然未殊行與藏斯人已云沒  
簡編有遺芳希顏亦顏徒要在用心剛譬猶適千里駕

言勿徊徨驅馬日云遠誰謂阻且長末流學多岐倚門  
誦韓莊出入四寸間雕鐫事辭章學成欲何用奔趨利  
名場挾策博塞遊異趣均亡羊我懶心意衰撫事多遺  
忘念子方妙齡壯圖宜自強至寶在高深不憚勤梯航  
茫茫定何求所得安能常萬物備吾身求得舍即亡雞  
犬猶知尋自棄良可傷欲為君子儒勿謂予言狂

遣興

嵩華千仞立不碍天地寬涇渭清濁流不離海波瀾人

生過眼萬事役記憶細故真童顏

嚴陵釣臺

漢綱久陵遲國柄授權室中興得英主威明戒前失三公經邦手吏事困精覈功臣欲圖全猶不任以職矧茲故人分義敦天倫戚卓哉子陵心秉哲固前識投身秦名爵豈得枉尋尺萬鍾雖云富樊雉非予匹石瀨清旦汎蒼崖聳而直揭竿事幽尋釣水鮮可食羊裘禦冬溫衮繡未云益三旌屠羊肆義在不吾易用舍各有趣高

風亘今昔

書懷

敝裘千里北風寒  
還憶簞瓢陋巷安  
位重金多非所慕  
直緣三釜慰親歡

端午日

悠悠南北各天涯  
欲望鄉關眼已花  
憶得親庭誰共語  
應憐遊子未還家

別游定夫

黽勉吾將仕謀身力已分  
漆雕慙未信子夏又離羣  
慘淡交情重間關道路勤  
至言宜遠寄孤陋願頻聞

冬至日聞雷

土圭日以南百年生有期  
新陽潛地脉慘慘羣陰微  
尚覺雲氣昏嚴飈弄寒威  
狂雷與驟雨奔逐如喧輦  
百蟲誤驚蟄生理亦已虧  
向晚怒聲息霰雪交餘輝  
凌寒山驛孤持盃空自疑

過金山

環望荆吳折清江日夜流飛騰潮汐浪漂泊利名舟山  
湧鰲番出樓噓蜃氣浮僧窻千古意出沒看輕漚

過吳江

天水相涵翠有餘玻璃萬頃接芳壺山浮晚照清如洗  
風遠飛帆細欲無漫叟未應甘阜櫓散入終欲傲江湖  
維舟况值鱸魚美鱠疊銀絲飲腹腴

諸宮觀梅寄康侯

欲驅殘臘變春風只有寒梅作選鋒莫把疎英輕鬪雪

好藏清艷月明中

勉謝自明

少年力學志須強得失由來一夢長  
試問邯鄲歌枕客人間幾度熟黃梁

土屋

土屋枕荒陬周回僅容席環堵異營窟  
猶遺古風質功雖勞版築身自有餘力  
依戶鑿圓竇寒光度如壁戶開迎溫風  
冬瑾可栖息胡為棟宇麗但免風雨阨  
安居自



寬暇見者徒逼仄寄言鄰舍翁各自適汝適慎勿慕華  
屋澆漓非至德

酬林志寧

君不見昔時卜年公折龜食墨湮澗東伊流洛水環紫  
宮廣輪千里天地中真入一往不復見鼎湖弓劍空遺  
蹤陰陽所交風雨會和氣自古生英雄邇來百千歲零  
落多奇窮鳴皋少室呼噤倚天闕下有回淵萬仞蟠雙  
龍蒸雲結雨氣濛濛惟有蒼髯紫領包玄珠時發光燄

凌烟虹成周太平鬱餘策但令洙泗生清風羨君妙齡  
有仙骨乘槎暗與天潢通萬里不一息去若征孤鴻決  
開銀河浪分出一派懸秋空顧予山野姿未老心已慵  
謬從君子遊營道術偶同有如退之與東野自慙青蒿  
倚長松感君惠然抵山谷開談冰雪清吾胸高堂黑髮  
顏如童未須念此心忉忉幸有山前清泉冷可酌與君  
啜甘茹草忘春冬

入山行

蒼崖峭立青天涯古徑蕪沒沁清溪深林四合晝亦暝  
寂寂惟有哀猿啼野人心形灰死如槁木山禽見之猶  
驚飛因嗟太古不可復我無機械胡相疑

登桐君祠堂

昔有隱者結廬于此人問其  
姓指桐樹示之故號桐君

霜染溪楓葉葉丹翠鱗浮動沙波閒盤盤路轉千峰表  
冉冉雲扶兩腋間掠水輕鷗情自戲凌風飛燕暮爭還  
結廬姓氏無人會靜對庭陰一解顏

巖松

淒淒千尺倚巖巔隱隱虬姿拂遠烟尤喜地靈泉脉潤  
獨愁天闊晝陰偏孤根礙石盤彌固直幹凌霜老益堅  
臃腫不須逢匠伯散材終得盡天年

和鄭商老下第

雨餘新惹一番愁展轉衾寒客思悠獻璞又添今日恨  
登科空負昔人羞林泉水石君先到京國風塵我尚留  
若為浮名苦憔悴前春行釣巨鰲頭

頽昌西湖泛舟

扁舟乘興漫追尋  
路轉河回入柳陰  
拂面落花春意盡  
避人幽鳥野情深  
慚無健思供吟筆  
賴有寒光映客心  
日落倚風歸棹急  
一鉤新月卧瑤岑

春過鶯花無處尋  
移舟行近古城陰  
褰衣水上收殘片  
傾耳枝間覓好音  
山隔曲堤迷遠近  
魚跳文藻亂浮沈  
飄然自得江湖趣  
陡起歸興萬里心

臘月見桃花

脂臉輕勻作艷粧  
未應潔白似梅香  
天紅不見凌霜操

漫向春前取次芳

過蘭溪

紛紛朝市競秋毫  
江上霜風正怒號  
不問楊瀾興彭浪  
翩然東下日千艘

枕上

小智好自私  
小德常自足  
自私開人賊  
自足心有瑕  
瑜不相掩  
君子比良玉  
默默枕上思  
戒之在深篤

雨寒

天幕陰雲積蕭蕭雨正淫泥污闌市寂水入御溝深破  
屋寒侵骨哀絃凍絕音更愁風力健瘦怯不能禁

久不得家書

駢彼晨風飛日暮歸鬱林游子尚何得但寄千里心庭  
闌斑白親憶念我亦深云何彼無耗徒役夢寐尋有如  
在空谷歲久想足音竹篇一行書貴可抵萬金跼蹐步  
前庭復坐口欲瘖淚墮不自知便覺盈衣襟人生本無  
待豈受外物侵歸當卧牛衣竹籜橫荆簪

藏春峽

國華先生得幽谷于劍水之東去其所居僅一里餘  
負山之巔闢地西向為堂名曰詠歸堂堂下有亭曰  
老圃亭之前有跡穿數畦其南北有二茅亭南植梅  
數株名曰暗香北種紫竹數竿名曰虛心又其南有  
一石竇其下可容數人名曰容照巖合而名之藏春  
峽

結廬東山阿屹然俯全閩下有黃龍淵浮光抱層雲彼



美谷口翁杖策來往頻明月自為友顧影相為鄰  
擷芷佩芳蘭不與麋鹿羣虛堂發輝素黃卷日相親  
采薇芼晨羹弋鳧侑清樽曝日負巖竇為童浴溪濱  
微吟曳雙屐踏破青苔紋歸與自樂只此意將誰論  
點狂聖所與聊欲繼餘芬

右詠歸堂

昔君居隱鱗投竿拂珊瑚

國華故居有隱鱗洞洞前有釣臺

今來寓谷

口結亭事春鋤亭下十餘畦蔚蔚富嘉蔬野果銜朱莢  
蔓實垂青桴籬根有蹲鴟晨炊勝彫胡豈惟充君腹鄰

里亦厭餘疏泉動地脉磽确成膏腴諒彼漢陰人假修  
匪吾徒避俗柴桑翁不復嘆荒蕪卷懷經綸手治平此

一畝居知子非隱淪聊以寓壯圖人生出處分禮義安

可踰茲謀異樊須甘事小人儒 右老圃亭

漫愁青女妒新粧已有風傳處處香試問隱鱗溪上客

欲將春色若為藏 右暗香亭

山橫鰲背碧巘屹亭對浮筠縹緲間

拾遺記蓬萊山有浮筠之幹葉青莖

蕭散誰為三徑侶祇應長共白雲閒 右虛心亭

清時投迹在欽崙一穴晴光破晚陰刺草未容忘魏闕  
故應長有子牟心  
右容照巖

山銜幽徑碧如環一壑風煙自往還不似武陵流水出  
殘紅那得到人間  
右藏春峽

送丁季深

烟含疎柳綠蒙茸杏頰桃英入眼紅邂逅與君逢臘雪  
飄零獨我過春風空愁轉轂音塵遠且寄離懷笑語中  
後夜月明人寂寂相思那復一樽同

蘄州早起

城頭雷動角聲哀似共行人怨落梅欲報晨炊未熟  
喚回殘夢眼驚開霜清暗覺貂裘冷月淡空令邑犬猜  
倚杖起肩風正慘紫微繚繞俯三台

合江亭晚眺

倚杖鉤簾兩水間晴光飛彩上雕欄帆催畫鷁搏風去  
雪吐銛鋒作劍攢平野烟浮迷遠目晚溪潮漲失前灘  
騎鯨一往扶桑近休問人間行路難

含雲晚歸寄真師

每扣禪關即晚歸  
塵中回首萬緣非  
不愁幼翳迷心地  
且聽潮音振祖衣  
歸路往來無別徑  
夜光清徹有餘輝  
虎溪舊社知重約  
陶令如今已息機

題贈吳國華釣臺

國華自作記  
不取嚴陵

君不見釣璜溪上白髮翁  
一竿西去追冥鴻  
田車同載  
非熊熊鷹揚烈飛如飄風  
又不見羊裘石瀨垂綸叟  
爽  
槩凌天動星斗萬乘故人親訪求  
卧對鑾輿忍回首  
聖

賢遇合自有時潔身亂倫非所知高風寥寥古已往較  
然得失知者誰君有釣臺臨橘水橘溪不與桐溪比收  
身欲攝渭老蹤笑撫長髯照清泚澄潭夜月秋光浮撇  
波短艇沿汀州長繩巨石不能繫飛帆片席歸蓬立巨  
釣沈餌牽九牛一鈎直掣金鰲頭脩鱗擺鬣浪山起雲  
鵬飛翻忽千里跨雲憑翼上青冥一點孤光厠箕尾

贈別蔡武子被誣得釋赴泉州錄參

君不見馬伏波後車薏苡珠璣多又不見章臺秦壁非

有疵相如謬使秦人疑匡章不孝通國非世無孟子知  
者誰惜君高材兼衆美完德從來速招毀含沙怒欲陰  
中之剛引涇流汙清泚輕雲捲盡天日明容光竅穴無  
潜形刮磨玉瑩冰雪凝楚人謾費塗丹青齊庭有鳥又  
不鳴會須一舉天衢亨北冥歟起風雷驚脩鱗巨鬣隨  
波輕不須回首顧潜鯨好乘扶搖九萬里奮迅六翮飛  
南冥

送虔守楚大夫

象緯辰心次雄都水濁時經天浮瑞彩絕代出英姿厚  
德千金壁虛懷萬頃波霜蹄來漢苑雲翮上天池籍籍  
才猷美皇皇使即馳飛書騰衆吻橫竅冥通達剖竹章  
流遠還車蜀道巖

除成都憲以臺  
章罷得度守

秦庭徒被指趙璧本

無玼黃霸初勤細裴公可範規惠流三那俗名掩四賢  
祠大厦資梁棟承祧賴鼎彝會須紆袞繡寧夕駐旌麾  
畫舸行空挽甘棠去益思烟波迎棹急江柳拂檣低賤  
士行藏拙參軍秩序畀生涯惟蠹簡事業付毛錐懶情



文園病伶仃曼倩飢自甘同跛  
覽未忍舍靈龜朽質難雕  
繪餘生辱品題寒荻回暖律  
陰壑得晴曦終愧麈尾賤  
難酬國士知兩行淵客淚感  
激自沾頤

縣齋書事寄張世賢

朝衙羣吏集戢戢同隊魚  
幕衙羣吏散翩翩若驚鳬  
歸來坐虛室開編對璫璵  
啟戶閒無人清風入吾廬  
持盃邀明月大嚼時與俱  
跼蹐步松陰對影聊相娛  
嗟予懶惰久濶略與世疎  
故人隔清湘懷抱何由舒  
為問魯山

翁此意今何如

歸雁

天末驚風急江湖夜思長悲鳴愁絕塞接翼冒清霜澤  
岸多繒弋雲間乏稻粱茫然栖息地飲啄欲何傷

感事

世事浮雲薄勞生一夢長散材依櫟社幽意慕濠梁風  
激鷹鷂迅霜殘草木黃投閒如有約早晚問耕桑

過關山

牢落關山路年來倦往還長隨流梗沒有愧白雲間親  
遠江天外魂勞夢想間泫然遊子淚挹盡復沈瀾

次韵思睿見寄

聖賢千古愧難攀力學方憂敢自閒顧我久拋聲迹外  
慚君猶掛齒牙間平生計拙心長在解帶高風志未還  
捧檄于今非得已漫勞魂夢遶溪山

次韵蔡武子書懷

放形鋤色恐成光斲堊能令鼻不傷自信放魚真得計

却憐挾策亦亡羊  
刃投有間多餘地  
語到無言輒自忘  
擾擾世紛何足問  
松窓終日獨徊徨

感懷寄鄉友

漫浪人間已十年  
簿書擾擾日羈纏  
朱公漫有千金壁  
季子初無二頃田  
籬下蹲鴟餘晚實  
雲間紫黿奮新拳  
淹留寸祿空回首  
一望鄉關一悵然

贈致政楊孟堅宣德

孟堅歷三世不改官而諸弟  
子各有第宅故以楊陸為

比

子雲論薦有王音

孟堅累為達官所薦

陸賈年來老境侵自守一

官歷三世退令諸子分千金平生器業成幽夢白首功

名負壯心賴有新詩輕萬戶未須投紱嘆堙沉

廣文官冷竟誰憐空負才名四十年

孟堅及第已四十年

蕭散欲

尋濠上侶飛揚還作酒中仙龍章繡紱榮何在鶴氅  
綸巾靜自便遙憶瀨溪風物好勝遊應不愧斜川

### 夜雨

似聞疎雨打蓬聲枕上悠揚夢半醒明日覺來渾不記

隔船相語過前汀

重經烏石鋪

夾屋青松翠靄中  
去年經此亦匆匆  
重來烏石岡頭路  
依舊松聲帶曉風

江上

寒雲幕幕結秋陰  
月淡霜娥冷不禁  
更祝江波休蕩漾  
莫令清影碎浮金

黃彥昭時思閣前有連理檜

孤丘鎖千岑層閣跨雲起永懷霜露思時未薦醪醴敬  
宗貴收族蟄蟄神亦喜故令傲霜根駢枝洩連理黃侯  
渥注種一躍不容擬慶源如歸墟萬壑自奔止終見君  
子鄉乃是鳴珂里

江陵令張景常萬卷堂

民生結繩初異宇本同體誰令四目翁破肉作瘡痂龍  
龜出河洛茲理固天啟張侯瑚璉姿高步軼前軌買書  
費千金充屋未云已六經涵溟渤百家襟原委中流渾

千波舉體惟一水參前真有趣萬古一憑几毫端吐奇  
芬溢目麗紈綺微言窺聖域妙應期得髓默坐筌蹄  
忘斯文亦糠粃

送蔡安禮

眷言與君違寤寐念往昔結歡自童稚分比膠投漆垂  
離成參商出沒俱齊汨義和鞭日御過眠飛鳥疾五載  
一相逢俯仰如昨日論情方繾綣念子又何適行矣不  
可留惆恍心若失人生惟所遇行止或使尼況復各宦



遊聚散何可一嚶嚶黃鳥聲上下求其匹俛首聽遺音  
飄零淚橫臆

題愚齋

結廬依林丘回峰爭盤紆下闢清池淵憑軒數游魚飛  
閣出雲表浮烟襲簪裾中有傲世士脫畧自謂愚高義  
輕羸金貽謀有詩書青編富充宇散秩羅瓊琚鱗鱗壁  
間題一一露珊瑚嗟予久昏塞荒蹊少耘鋤昌黎已隔  
世將焉問夷塗道逢北山公荷鍾時與俱皎皎河曲叟

朋儕共歔歔高齋一來遊豁然心神舒籬東有餘址誰  
能難榛蕪結茅可容席一瓢來此居寄謝陶彭澤何必  
愛吾廬

童氏必大亭

超遙武夷翁霞衣爛朝日作亭依雲根望壙茲焉息仙  
遊去不返孤立已陳迹身雖隸編齊貽謀有遺則慶流  
終必大名亭以為識伊昔晉公堂三槐手親植扶踈滿  
庭陰貂蟬映圭璧默視天人際召應齊律呂間門容軒

車茲里固可必終見童氏里鳴珂聲赫奕

江上晚步

鏡潭磨青空璧月浸江綠攬衣弄清泚炯炯月在掬冷  
然適我口肝膈貯冰玉流光頃百變一玩不可復歸來  
盡餘樽醉卧媚幽獨義娥偶相憐歲往如破竹餘生枕  
中付勿問黃粱熟

寄湘鄉令張世賢

身遊羿彀偶相逢安得初終若駢蛭道學未容窺閫

與吏師應許叩鄰封蕭條此意君誰問落拓微官我更慵  
盧白回旋真戲事傍觀無用氣填胸

縣齋書事

朱顏凋盡鬢鬢髮世路低回老益慙偶影獨游聊自適  
談書不輟竟何堪神爐默默金徒踊煢蛭紛紛夢正酣  
誤把此身撏世網自纏薇纒信如蠶

臨川驛偶成

冉冉朝仍暮蕭條官舍幽閉門三尺雪觸物一虛舟蟲

靈生涯盡萍漂世事浮尚思方技學多病未能休

晚泊遇雪

向晚驚風急飄零雪滿垆氣升雲幕幕天遠月溟溟寒  
色終無賴豐年漫寄聲舖糟吾不慣強醉復還醒

偶成

天遠何須問勞生聽若何犁鉏三畝足栖息一枝多白  
雪寧堪冒清時只浪過好尋明月影醉舞自婆娑

除夜感懷

歲律已云盡思家日日深二年為客恨千里倚門心節  
物羅樽俎兒童學語音眩然如在目恍惚夢難尋  
愛日乖予願親顏長在心遠遊仍換歲華髮想盈簪永  
夜誰同席殘盃憶共斟相思空有淚揮洒滿衣襟

次韵錢帳計

駸駸義馭定難羈過隙跳丸日夜馳但見光陰如掣電  
卻尋<sup>缺</sup>已當昔飛黃汗血宜千里秋鷄乘風此一時  
芝草鳳凰真美瑞清明應有退之知

和張倅行縣

江浮疊巘弄清輝  
雲外冥鴻江上歸  
擊目自多幽興在  
揮毫時見彩箋飛  
應愁零雨侵星駕  
好為援戈卻晚暉  
帝室正須調鼎鼐  
動移寄語不須譏

泂幹游光大示犀老

山橫杳靄有無中  
疊觀層臺一梵宮  
萬軸琅函方杜口  
數聲鳴鳥正談空  
溪雲抱影侵行屐  
香篆飛烟襲晚風  
薄宦羈人如接榻  
自慙來往苦匆匆

王薄清輝亭

黛染烟螺拂檻低，抱城流水綠逶迤。  
澄瀾碎影搖青鏡，斜日沉暉隱半規。  
坐上盈樽無俗客，壁間照夜有新詩。  
登臨已動忘歸興，況復清談足解頤。

寄長沙薄孫昭遠

陽城衰晚拙催科，闔寢空慚罪亦多。  
祭竈請鄰君自適，載醪祛惑我誰過。  
猗猗庭有蘭堪佩，寂寂門無雀可羅。  
歸去好尋溪上侶，為投纓紱換漁蓑。



安禮以宏詞見勉奉寄

吏部文章世所珍，終慙無補費精神。  
浮名庸外增餘贊，薄宦戈頭寄此身。  
養志吾方同邴曼，談書誰復問山賓。  
自憐坐頌三遺矢，衰晚那能用楚人。

秋晚偶成

纖纖晚雨洗秋容，庭樹蕭然策策風。  
萬籟自鳴羣物外，四時長在不言中。  
坐臨流水襟懷冷，卧對浮雲世慮空。  
寂寞一廛吾自適，客嘲從更議揚雄。

臨川道士

風雨離山驛斷橋危欲顛去心奔逸驥行路青天鴈  
序江湖樂雲歸島嶼連悠悠遠征客千里獨茫然

旅舍書事

出懶乖時尚支離與世殊饋漿驚禦寇避虎愧陽居觸  
事紛難解忘形色易鋤不須修混沌機械本來無

過清溪渡

天濶江銜雨冥冥上客衣潭清魚可數沙晚鴈爭飛川

谷留雲氣鶻鵠傍釣磯飄零滄海客歌倒一帆歸

泛江至土坊

萬頃江湖遠孤乘一葉船雁飛雲外字蓬掩水中天波  
靜櫓聲息風微帆影偏回環聊注目浩蕩接清烟

秋日有懷寄從弟表民

丁伯父憂

羈旅吾方困哀思汝正煩望雲愁雁序回首憶鴈原北  
圃蔬還盛東軒菊想繁飄零不相見沾灑獨忘言

淮上獨酌

廉纖晚雨洗輕塵天淡雲浮夜色新  
賴有麴生風味好不須邀月作三人

綠陰亭上

沙邊幽鳥傍清漪瀧下漁船逆浪歸  
身在輞川圖畫裏晴空惟欠雪花飛

溪上

悠揚春夢成幽興冷落溪光醒酒魂  
天濶雲浮遮不盡浪平風過杳無痕



兩宋名賢小集卷九十七